

CICIKOANBADIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

BÀALÓ KOANBÁLA TÁÁNLI
JAGA DOAGIDIMA

(PP-G N°038-2025)

Pengidiwende Silibeedi WEDIRAWOGO

Wagidugu, li binli 2025 piiga n cilie dana 17

Tinunga 1 tinunmu 28 siiga

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2025, piiga n cilie dana 17, alaaliba daali
ki cili leeru 9 yogunu ki ban gbeni leeru 12 leni miniti 16,
Kapitenni Ibirayimi TARAWORE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali mayula nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti Diema yeli pò.

I. A JAGA

I.1. MI DIEMA YUDANCIAMO BADIDIEGU KANI

A Koanbála táanli taa **tiwaankàali** ke li tuugi leni mi tagima sani banma cogidiecianli maama Bulicina Faso nni.

Laa cogidiecianli baa bangi bi niba mi tagima sani bandicianma tuona nani **ti kudi tuona, a masina ñanbima tuona, o kuuranciamo tagima, i biakaabi tagima tuona, a diegbenga maama tuona, mu tinmu tugu nni piama lingima tuona, enterineti tuona, leni i láabàali tenma tuona.**

Mi tagima sani bangima cogidiecianli maama Bulicina Faso nni tuona yegi leni mi diema Yudanciamo, Kapiteni Ibrahima TARAWORE nunlema yaala n tie ti yuceli moandima findima pò. Laa cogidiecianli maama baa pugini a cogidiena coali ki go teni yaaba n baa faa ki tua Bulicina Faso lebidimoanma leni li báali benjielu n baa mi mi bancianma sanbila bangima ti diema nni.

Mi tagima sani bangima cogidiecianli yaali n baa maa ti diema nni Pabire kominno nni fanma bua ki pundi hekitari (baabiciami) piiluoba (60). Li tuugi leni ti diema Yudanciamo n báa yaa yantiali u cogu moanu pò (IPEKI).

Yaa tuona n baa cili ki soani lipò ligi tie **miliyari piita n bilele leni miliyoni kobitaa n piiluoba n bonbiyia n kobiga n piilie n tuda yia n kobiluoba n piiga n kuumu lele leni falini bonbinii (37 369 129 617,8) Seefa ligi nni.** Laa ligi baa todi :

- ban biigi ki bandi u kaanu tinga ya dagidi leni ban bua ki maa yaa diena buoli ki go suagi leni li diemaali tuona goandima;
- ban maa li cogidieli gobidima tuonsoandiegu, u cogu bangima diebila leni lidieciama, a tila bili kaanu, li bonla biigibandima diebila, ti kudi tuodima kaanu, li laafiali dieli, a cogibigbenga leni u cogu canbaanba dieduakaana, u jekaanu, ku gbanansaagu jeliti kaanu, ti joagindi bilikaanu, mi fuodima kaani, ti biadi sedikaani, leni yaala n faadi ki bua fanma.

Bàaló n baa ñani laa ligi li binli 2025 ligiboginke nni.

I.2. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA

A Koanbála táanli kpaagi **ban bogini yaa báli máama** pò ki baa teni Gufenema n táa a jaga ban nua yaala ke li tie tiladi mi diema guunli po.

Mi diema ye leni a bibiada miligima ke lipò teni ke ti minteela leni li guunli jakoanda kuli tie li moandili yogunu kuli hali màamà ke li pundi ban pugini bi paalu ki go le ban baa bogini bi yema màamà ti buudi sanbila nni.

Yaa boginli n bi ye ki yegi leni yaala n den tie báli máama teni ke bi kan fidi ki táa tonma a jaga ki tieni liba kuli nani lan bua màamà.

Ban bogini yaa báli máama yeni baa luodi a minteela leni li guunli jakoanda kuli pò ti buudi sanbila lan teni Gufenema n táa yaa jaga n baa pugini ti diema minteela leni li guunli jakoanda kuli paalu ki go ñanbi ki yaa gobidi bi yema.

Ban bogini yaa báli máama yeni baa go todi Gufenema n baa ki táa yaa jaga n dagidi bu toabu boginli tonma pò mi diema guunli nni, a minteela leni a jakoanda caga buoli gobidima nni.

A Koanbála táanli tuo ban bogini yaa báli máama yeni n pundi Depiteenba kaanu kani.

I.3. YAA KOANBADIEGU N DIIDI BU KPAABU, LI YANWUBILI LENI MI ÑIMA NNI BONPIAKAALA TUONA

A Koanbála táanli táa **tiwaankàana lie (02).**

Li tiwaankakpiali tuugi leni **ban bogini yaa masienkàama tili** ki táa bukpaabu, li yanwubili leni mi ñima nni bonpiakàala tuoncagiciama tili Bulicina Faso nni.

Bukpaabu, li yanwubili leni mi ñima nni bonpiakàala tuoncagiciama boginma sugini ki teni u cogu sanbila n lebidi ti diema nni, ki luodi mi tuonsoanbanma leni a tuona báama sanu. Laa lebidima yegi leni li ñandunli nni lan bili ke mi tuonbanma bangima leni a tuona báama n baa ñoadi màamà dogu kuli nni.

Laa tuoncagiciama táanma pundi **tuoncagiciama luoba (06), piita n tuoncagibila luoba (36) leni kobitaa n piinaa n tuobuoli nii (348).**

Tuoncagiciamaluoba (06) yeni n boagidi màamà nne :

- « **i tiidi leni i bonluonkaala tuoncagicianli** » yaali n boagidi tuoncagibila lele (07) leni piinii n tuonbuoli yia (89) ki tie bu kpaabu tinmu ñanbima, bu kpaabu tuona leni a masina, i tiidi kubima leni mu tinkokaamu pandima tuona ;
- « **Li yanwubili tuoncagicianli** » yaali n boagidi tuoncagibila yia (09) leni piilele n tuonbuoli naa (74) ki tie li yanwubili, ti yandi buuma leni bi kubima, ti yandi buoli puginma leni li yanwubili tiadi, ti yandi ñoagu leni bi jiema tagima tuona ;
- « **li janwubili tuoncagicianli** » yaali n boagidi tuoncagibila taa (03) leni piilile n tuonbuoli taa (23) ki tie li janwubili, u jankpaanu, li janwubili tiadi tagima, li janwubili kaani leni u jankpaanu tuona ;
- « **ku kpaangu, ti yandi leni i jami kuadima tuoncagicianli** » yaali n boagidi tuoncagibila naa (04) leni tuonbuoli piina (40) ki tie bu kpaabu, li yanwubili leni mi ñima nni bonpiakàala leni li tiabidi dáama leni ti kuadima tuona;
- « **ku kpaangu, li yanwubili leni li janwubili bontagikàala leni li kubima tuoncagicianli** » yaali n boagidi tuoncagibila yia (09) leni kobiga n tuonbuoli muu (105) ki tie laa tuoncagicianli bontagikàala kubima leni yaala n pugidi tuona ;

- « **li boncanla bandima leni li tagima tuoncagicianli** » yaali n boagidi tuoncagibila naa (04) leni piiga n tuonbuoli lele (17) ki tie bu kpaabu, li yanwubili leni mi ñima nni bonpiakàala tuona.

Laa masienkàama tili táama baa teni Bulicina Faso n baa ki táani yenma bu kpaabu, li yanwubili leni mi ñima nni bonpiakàala tuoncagiciama.

Li tiwaankalieli tuugi leni li binli 2025/2026 siagu n mali yaala leni li bonjekàala n bua ki pundi yaa bianu.

Li binli 2025/2026 siagu pò, ki taaga naa den cili tonma i kaani boncianla Bulicina Faso nni. A sidibila moko den kua a kokoda leni i di nni i kaantiami. Ku kpaangu baabiciami (hekitari) 47 213 nni, a sidibila den kua hekitari 20 568 nni, hekitari 17 724 n den báa mi puudima.

Laa siagu juodima pò, ku kpaangu táanma bua ki pundi **tonni 7 142 484**, li pugini ki cie yaa siangu n pendi **17,63%** ki go pugini ki cie a binmuuda yaa pendi kpaangu táanma **37,19%**.

Yaala n pugida ki tie mi jiema kpaangu (a tuuna, a tiinmoana, a nuga leni o kuudiko) li bua ki pundi **tonni 1 246 132**. Li wadi ki cie li binli 2024/2025 yaali n pendi yeni 1,29% ama ki pugini ki cie a binmuuda yaa n pendi táanma 27,9%.

Yaala n tie u kpendu kpaangu mo, ti kunkundi n ña lien, li bua ki pundi **tonni 1 353 298**. Li pugini ki cie yaa siangu n pendi 3,03%, ki go cie a binmuuda yaa pendi táanma 37%.

Yeni, mi diema nni porovensi 47 siiga, ku siagu n juodi màama nne: podovensi 15 nni li báali poadi, bonbi (08) mo báa ke li dagidi ke podovensi 24 mo báa ke li dagidi hali ki ban midi.

Mi diema kuli nni, li bonjekaala kpaangu táanma pundi yaa bianu n den bua ke li tie kobiga yùli pò 126,6% ki sua li den tie 111,5% li binli 2024/2025 siagu pò.

Li ya tie ti yanmuadi mo, yaala n ñani ku kpaangu nni leni yaa muadi n kona táanma bua ki pundi tonni **10 147 741**.

Laa kpaangu báama ñoadi leni Bàaló n tie yaa moandili yogunu kuli ki todi bi kpakpaaba leni a yanwubila i bonbi, ti bugidi leni ti tuonsoantiadi.

A Koanbála táanli jaandi bu kpaabu leni li yanwubili tuonsoanba leni bi todikàaba ku kpaangu leni li yanwubili n kuani yaala táanma ñamu pò ki go waani yaa koanbála n die laa tuona n táa a jaga ki guuni yaa kpaangu n kua ki go moandi ki sieni yenma ku kpaangu tunga mu daamu nni.

I.4. YAA KOANBADIEGU N DIIDI TI DIEMA LOAGU LENI I LIGI

A Koanbála táanli táa **tiwaankàana taa (03)**.

Li tiwaankakpiali tuugi leni ban bogini yaa masienkàama tili ki goa ki pandi u báadogu buama todima ligiñanma.

Bi den táa masienkàama tili li binli 2023, cile o 23 daali ke li lanba tie n°2023-0021/PRES-TRANS/PM/MDAC/MATDS/MEFP ki cilini u báadogu buama todima ligiñanma, ki guari ki pandi laa masienkàama tili li binli 2024, leni li binli 2025 laa ñoamabonli dana puginma pò.

Bina taa (03) puoli, bi sua ke u báadogu buama todima ligiñanma tie yaala n moani a nibiada miligima koanli paadima ligi báama pò Bulicina Faso nni. Yaa ligi n táani yaa bina n pendi yeni doagidi u báadogu buama todima ligiñanma mayùli leni li paalu yaala n tie bi niba tiginma mi diema guunli ligiñanma pò.

Tin ye yaa yogunu ki moa mi yanduanma guanma pò leni ti yùcéla todima ligiñanma li guunli pò, ki suagi ki yaa gaani u báadogu buama todima ligi, li baa tie tiladi bonle.

Laa masienkàama tili táama baa teni ban guani ki pandi u báadogu buama todima ligiñanma binli pò ki cili li binli 2026, cilè danyenli daali.

Li tiwaankalieli tuugi leni Gufenema n den mia Depiteenba n pá u sanu Bulicina Faso n ñii li panli tuoma sieditili leni mi findima cagili li ñandunli nni (IDA) li binli 2025, piiga n cilo dana 22, bi niba banma guunli tuona ligi báama pò.

Bi niba banma guunli tuona ligi kuli bua ki pundi **ero 85 500 000**, lani n tie **Seefa ligi nni K 56 084 064 700** Bulicina Faso n baa gáa yaa ligi li panli leni li ñanduli banko.

Ki guudi bi niba banma mayùli tie ki todi ti Gufenema n tie yaa moandili yaala n tie bi niba yema ñamu pò tuona findima nni.

Laa tuona baa soani binyenli mi diema tinbuona kuli nni.

Li gagidi ki baa yaa tie :

- ki teni bi niba n yaa báadi yaa yiani n ye yogunu n kuli buuma , lani n tie ki báa li yianbuuli fanma (ke panpani bàa ki ñua), ki báa mi buuma ti logitodieciandi nni leni yaa yiani n bua babadima kuli ;
- ki teni a bila n yaa báadi yogunu kuli u cogu, lani n tie mi biigima leni li titoali boginma, Baki biigima leni u cogu canbaanba yogini puginma ligi panma.

Laa masienkàama tili táama baa teni Depiteenba n tuo ki pá u sanu laa panli gáama pò yaala n tie bi niba banma guunli tuona soanma ligi báama pò nani yaa báli máama n den taa li binli 2024, piiga n cilie dana 20 ke li lanba tie n°040-2024/ALT du 20 ki waani ke Gufenema pia u sanu ki mia Depiteenba n tuo Bulicina Faso n yen ñii li panli tuoma sieditila leni i ligi todikàaba.

Li tiwaankataali tuugi leni Gufenema n den mia Depiteenba n pá u sanu Bulicina Faso n ñii li panli tuoma sieditila ya yaa lanba n tie (A) n°7782-BF (PBA), (B) n°7781-BF (PBA-SML) leni (C) n°7783-BF (WHR) leni bu paabu sieditila ya yaa lanba tie n°E4430-BF (WHR) et n°TF0C9797 (GPE), li binli 2025, piiga n cilo dana 24 le 24 Wagidigu kani leni li ñanduli nni mi findima cagili (IDA) leni mi findima leni mi pandima li ñandunli nni banko, u cogu ñamu puginma leni li juunli mi yepaama nni (REPERI) tuona ligi báama pò.

Mi findima cagili li ñandunli nni (IDA) n báa teni yaa ligi tie **ero 175 574 256 euros**, lani n tie **Seefa ligi nni k 115 169 032 448,6**.

REPERI tuona mayùli tie ki todi u cogu ñamu n pugini ki go pundi i kaani kuli lan tie a biñinda cogu, a bonwaala cogu bi ti maamaamaama cogu.

Laa tuona baa soani bina naa siiga (04) ki cili li binli 2026 hali li binli 2029 juodima. Yaa tuona n baa soani baa yaa tie a cogidiena luodima, tonma cogu bangima, u cogu biga kuli pò, u cogu ñamu puginma leni a cogidiena puginma yaala n yegi leni mi diema Yudanciamao yantiali u cogu ñamu pò (IPEKI).

Laa tuona baa todi cogibila 2 000 000 leni cogibicanbaanba yaaba n bua ki pundi 40 000 ti diema tinbuona kuli nni.

Laa tiwaankàali tuoma baa teni Depiteenba n pá u sanu Gufenema n tuo laa sieditili ñiima ki báa u cogu ñamu puginma leni li juunli mi yepaama nni (REPERI) tuona ligi nani yaa báli máama n den táa li binli 2024, piiga n cilie dana 20 ke li lanba tie n°040-2024/ALT du 20 ki waani ke Gufenema pia u sanu ki mia Depiteenba n tuo Bulicina Faso n yen ñii li panli tuoma sieditila leni i ligi todikàaba

I.5. LI GUUNLI KOANBADIEGU KANI

A Koanbála táanli tuo **tiwaankàana lie (02)**.

Mi masienkàama tikpiali goa ki pegidi mi masienkàama tili yaali yaa lanba n tie n°2025-1013/PF/PRIM/MSECU/MDAC/MATM/MJDRHI ki tie ban táa yaali li binli 2025 cinii dana 7 ki cilini mi domatiema tuariŋanma tuoncagili i kaani boginŋanli leni mi mabilikàama ŋoadima po ki go waani li tuoncagili yeni tuona leni yaaba n pundi ki kua li niinni.

Laa masienkàama tili lebidima cuani line boncanla yaala n tugi yuli:

- o gobidikoa duogili cilima mi domatiema tuariŋanma tuoncagili i kaani boginŋanli leni mi mabilikàama ŋoadima po ke li yeli tie « Birigaadi Laaballi »;
- yaa tuona n pia mi fuoma yuakuli po soanma kuanma li tili nni;
- Birigaadi Laaballi tuona tandima (puginma) sù i janbi leni mi boàlimà tuona buoli kuli.

Laa masienkàama tili tàáma pugini yaa mabilikàama n gobidi Birigaadi Laaballi gbanmanu.

Mi masienkàama tilieli goa ki pegidi mi masienkàama tili yaali yaa lanba n tie n°0641/PRES/PM/MSECU/MEF ki tie ban den táa yaali li binli 2025 cimuu dana 28 ki den tuo yaa mabilikàama n gobidi li tuoncagili yaali n faami li sancenŋanli pó lani n tie « ONASEERI ».

Laa masienkàama tili pegidima bua ki táani nitoaba ONASEERI gobidikàaba cagili nni ki go cilini a tila dianma yudaano tuonli.

Laa masienkàama tili táama baa teni li tuoncagili yaali n faami li sancenŋanli pó lani n tie « ONASEERI » n baa yaa mabilikàama n dagidi li tuona cenli ŋamu pò.

I.6. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

A Koanbála taanli tuo **tiwaankaana lie (02).**

Li tiwaankakpiali tie miabu Beresili diema Tondo báli dinma Bulicina Faso nni.

A Koanbála Taanli tuo ke o joa **Erenato Soaresi MENEESI** n kali Wagidugu ki yaa tie Beresili diema n soani yaa Tondo Bulicina nni.

Li tiwaankalieli tie miabu Angola diema Tondo báli dinma Bulicina Faso nni.

A Koanbála Taanli tuo ke o joa **Olivera Firansisiko Joacinmi ENKOSE** n kali Abija dogu nni lani n tie Kodivuari diema, ki yaa tie Angola diema n soani yaa Tondo Bulicina nni.

I.7. YAA KOANBADIEGU N DIIDI BÀALÓ SALIWUUDO, A TUONA LENI BI TUONSOANBA YEMA DAMU KANI

A Koanbála taanli taa **mi masienkàama tila muu (05).**

Mi masienkàama tikpiali tuugi leni « bi nisaaliba n pia yaa sani gbanmanu puginma leni i kubili » mabilikàama.

Laa masienkàama tilieli goa ki pegidi mi masienkàama tili yaali yaa lanba n tie n°2021-0285/PRES/PM/MINEFID/MFPTPS ki tie ban den taa yaali li binli 2021 cinaa dana 27 ke li tuugi leni « bi nisaaliba n pia yaa sani gbanmanu puginma leni i kubili » tuonbuolu mabilikàama.

Laa masienkàama tili táama n lingi yaala tie ki tugini leni yaa lebidima n tieni Bàaló koanbadiedi tuonbuoli nni, ki nan go pugini yaa báli máama n gobidi Bàaló tuonbuoli.

Li boncanla yaala n tugi yuli laa masienkàama tili nni tie :

- A tuona cagili yaali yaa yeli n tie « Bi niba yema bangima » lebidi ki tua « Bi niba todima »;
- Yaa tuonbuolu n bi yi « Bi niba yema bangima tuonsoanlo duogili » yeli lebidi ki tua « Bi niba yema todima tuonsoanduogili » ke laa tuonbuolu sienu tie C. Yaa tuonbuolu n bi yi « Bi niba yema bangima todikoa » yaa yeli lebidi ki tua « Bi niba yema todima tuona todikoa » ke laa tuonbuolu sienu tie B. Yaa tuonbuolu n bi yi « Bi niba yema bangima Tundikoa » mo yaa yeli lebidi ki tua « Bi niba yema todima Tundikoa » ke laa tuonbuolu sienu tie A ;
- yaa mabilikàama n ye celi tuugi leni Bàaló tuonsoanlo yua n guani ki cili u cogu ŋmiagima li tuonli nni. Laa mabilikàama den ye a tuona cagili yaali yaa yeli n tie « bi niba leni ti yandi laafiali » po. Moala bi ji teni ke laa mabilikàama tandi ki sù Bàaló tuonbuoli yi n sieni. Ama ki fidi ki báa laa sanu tie ki tieni bu miabu ki báa Bàaló saliwuudo koanbáli tuoma.

Laa masienkàama tili táama baa teni ban ŋanbi ki bogini Bàaló saliwuudo tuonbuoli.

Mi masienkàama tilieli tuugi leni a tuona cagili yaali yaa yeli n tie « bi niba leni ti yandi laafiali » mabilikàama.

Laa masienkàama tilieli goa ki pegidi mi masienkàama tili yaali yaa lanba n tie n°2021-0308/PRES/PM/MINEFID/MFPTS ki tie ban den taa yaali li binli 2021 cinaa dana 27 ke li tuugi leni « bi niba leni ti yandi laafiali » tuonbuolu mabilikàama ke lan todi yaa lebidima n tieni Bàaló saliwuudo tuonbuoli nni ŋoadima.

Li boncanla yaala n tugi yuli laa masienkàama tili nni tie :

- ti yandi lotociama (a napudiciama) yaaba yaa tuonbuolu n se P táanma a tuona cagili nni yaali yaa yeli n tie « Ti yandi yiani bandima leni i buuma », ki waani u tuonbuolu yeni tuona leni yaaba n baa kua u niinni n baa ḡoadi yaa sanbila;
- yaa tuonbuolu n bi yi « I yiani biigima tuonsoanlo » yeli lebidi ki tua « I yiani biigima bandiciamo » a tuona cagili nni yaali yaa yeli n tie « I yiani biigima tuonsoankaanu »;
- ki bogini yaa mabilikàama n waani Bàaló n sieni mi biigima yaama yaa niinni ke Bàaló biigidi ki taani li tuonli yaa lotola n buu bi niba yantiali.

Laa masienkàama tili taama baa teni ban ḡanbi ki bogini Bàaló saliwuudo tuonbuoli.

Mi masienkàama titaali tuugi leni a tuona cagili yaali yaa yeli n tie « U loagu leni i ligi kubili » mabilikàama.

Laa masienkàama tilieli goa ki pegidi mi masienkàama tili yaali yaa lanba n tie n°2021-0286/PRES/PM/MINEFID/MFPTS ki tie ban den taa yaali li binli 2021 cinaa dana 22 ke li tuugi leni « U loagu leni i ligi kubili » tuonbuolu mabilikàama ke lan todi yaa lebidima n tieni Bàaló saliwuudo tuonbuoli nni ḡoadima.

Li boncanla yaala n tugi yuli laa masienkàama tili nni tie :

- ki ḡoadi yaa lebidima n tieni Bàaló saliwuudo tuonbuoli nni. Yeni, ki táa yaa tuonbuolu yaa yeli n tie « U loagu leni mi findima tuona todikoa » ke u cagili sienu tie B, ki kuáni u Bàaló tuonbuoli cagili nni yaali yaa yeli n tie « U loagu leni mi findima », ki waani u tuonbuolu yeni tuona leni yaaba n baa kua u niinni n baa ḡoadi yaa sanbila;
- ki ḡoadi yaa lebidima n tieni Bàaló saliwuudo tuonbuoli nni. Yeni, ki táa yaa tuonbuolu yaa yeli n tie « Li bontagikàala masina tuonsoanbando » ke

u cagili sienu tie B, leni yaa tuonbuolu yaa yeli n tie « Li bontagikàala masina bandiciamo» ke u cagili sienu tie A, ki kuani i tuonbuoli cagili nni yaali yaa yeli n tie « Li bontagikàala tuonsoanjaana puginma»;

- yaa tuonbuolu yaa yeli n tie « A coada bandiciamo» ke u cagili sienu tie A bolinma kelima Bàaló saliwuudo tuonbuoli nni laa tuonbuolu ki go ye.

Laa masienkàama tili taama baa teni ban ñanbi ki bogini Bàaló saliwuudo tuonbuoli.

Mi masienkàama tinaali tuugi leni Bàaló saliwuudo tuonbuolu yu yeli n tie « A tinbuona gobidima» mabilikàama.

Laa masienkàama tilieli goa ki pegidi mi masienkàama tili yaali yaa lanba n tie n°2021-0288/PRES/PM/MINEFID/MFPTS ki tie ban den taa yaali li binli 2021 cinaa dana 22 ke li tuugi leni « A tinbuona gobidima» tuonbuolu mabilikàama ke lan todi yaa lebidima n tieni Bàaló saliwuudo tuonbuoli nni ñoadima.

Li boncanla yaala n tugi yuli laa masienkàama tili nni tie :

- Yaa tuonbuolu n bi yi « A tinbuona gobidima tidianlo» yeli lebidi ki tua « A tinbuona gobidima todikoa » Bàaló saliwuudo tuonbuoli cagili nni yaali yaa yeli n tie « A tinbuona gobidima » ;
- Bàaló saliwuudo tuonbuoli cagili yaali yaa yeli n tie « Bi niba leni a tuonsoanjaana gobidima » lebidi ki tua « Bi niba gobidima » ;
- Bàaló saliwuudo tuonbuolu yu yaa yeli n tie « Bi niba leni a tuonsoanjaana gobidima tuonsoanduogili» lebidi ki tua « Bi niba gobidima tuonsoanduogili » ke u cagili sienu tie C. Bàaló saliwuudo tuonbuolu yu yaa yeli n tie « Bi niba leni a tuonsoanjaana gobidima todikoa» lebidi ki tua « Bi niba gobidima todikoa » ke u cagili sienu tie B. Bàaló saliwuudo tuonbuolu yu yaa yeli n tie « Bi niba leni a

tuonsoanjaana gobidima Tundikoa» lebidi ki tua « Bi niba gobidima Tundikoa » ke u cagili sienu tie A.

Laa masienkàama tili táama baa teni ban ñanbi ki bogini Bàaló saliwuudo tuonbuoli.

Mi masienkàama tinaali tuugi leni Bàaló saliwuudo tuonbuolu yu yaa yeli n tie « Mi ñima, bu kpaabu leni mi gaanilindima» mabilikàama.

Laa masienkàama tilieli goa ki pegidi mi masienkàama tili yaali yaa lanba n tie n°2021-0287/PRES/PM/MINEFID/MFPTS ki tie ban den taa yaali li binli 2021 cinaa dana 22 ke li tuugi leni « Mi ñima, bu kpaabu leni mi gaanilindima» tuonbuolu mabilikàama ke lan todi yaa lebidima n tieni Bàaló saliwuudo tuonbuoli nni ñoadima.

Li boncanla yaala n tugi yuli laa masienkàama tili nni tie :

- bi ñoadi yaa lebidima n tieni Bàaló saliwuudo tuonbuoli nni. Yeni, ki táa yaa tuonbuolu yaa yeli n tie « Ki tinga tugu nni ñima tuona bandiciamo» ke u cagili sienu tie A, ki kuáni u Bàaló tuonbuoli cagili nni yaali yaa yeli n tie « Ki tinga tugu nni ñima tuona banma», ki waani u tuonbuolu yeni tuona leni yaaba n baa kua ku niinni n baa ñoadi yaa sanbila;
- bi ñoadi yaa lebidima n tieni Bàaló saliwuudo tuonbuoli nni ki cilini Bàaló tuonbuoli cagili yaali yaa yeli n tie « A ponpicaana tuonsoandielii». Laa tuonbuoli cagili nni u tuonbuolu « A ponpicaana tuonsoandiena tuonsoanlo» ke u cagili sienu tie C ; ki pia u tuonbuolu « A ponpicaana tuonsoandiena tuonsoanbando» ke u cagili sienu tie B ; ki pia u tuonbuolu « A ponpicaana tuonsoandiena tuona bandiciamo » ke u cagili sienu tie A, ki go pia u tuonbuolu « A ponpicaana tuonsoandiena boginma bandiciamo» ke u cagili sienu tie A .

Laa masienkàama tili táama baa teni ban ñanbi ki bogini Bàaló saliwuudo
tuonbuoli.

II. I LÀABÁALITENKE

II. Yaa koanbadiegu n die ti diema tinbuona gobidima leni a sancena tuona waani a Koanbála ke Bulicina Faso tonda den gedi li tuonli pò Folorensi leni Turen dogi nni Itali diema nni li binli 2025, cipiiga, dana 13 ki yaa ca o 17.

Laa sancenli yegi leni ti diema n tie yaa moandili u yogugu waanma bancanma lingima po yaala n baa todi tin fidi ki bogini ki paani u yogunu lebidima paka.

Laa sancenli go den todi ke ti diema nni u yogunu diidima tuonsoancagili (ANAMI) den báa ki ñii maadigagidima tili leni Niseeri diema nni u yogunu diidima tuonsoandieciangu ki pugini leni mi gaanilindima diidima leni mi namu tuonsoandiegu mi findimoanma pò.

III. BAN DINI YAABA A BÁLA

Tinunga **20** tinunmu **28** siiga

III.1. BAN DINI YAABA A BÁLA YENDI YENDO TUONA NNI

A. KU CICIKOANBADIEGU KANI

- Inusa **WEDIRAWOGO**, joa, o lanba li tuonli nni tie 260 037 Z, o tie a tinbuona gobidikoa, bi dini o li báli ke o tua mi diema findima tuona po (ESENDE) tidiancianlo.

B. YAA KOANBADIEGU N DIIDI TI DIEMA LOAGU LENI I LIGI KUBIMA KANI

- Sidibékirisita Eriki Filavien **BUDA**, joa, o lanba li tuonli nni tie **111 114 H**, o tie Bàaló ligi tuonsoandiedi gobidikoa, bi dini o li báli ke o tua Bàaló tuona bilima ligiyuli goandikoa ;
- **RAMIDE** pua Tenga Mariyeti **YAMEWOGO**, o lanba li tuonli nni tie **59 898 U**, o tie Bàaló ligidiedi tuona goandikoa , bi dini o li báli ke o tua Bàaló ligidiedi ligi kubima gobidikoa Bàaló paaluciamu a tuona goandima nni leni bu ligisubu koanipaanma cagili (AESE-LS) kani ;
- Vivien Kasimiri Lariba **BURIGU**, joa, o lanba li tuonli nni tie **91 267 K**, o tie Bàaló ligidiedi tuona goandikoa, bi dini o li báli ke o tua Bàaló paaluciamu a tuona goandima nni leni bu ligisubu koanipaanma cagili (AESE-LS) ligidiegu ligikubilo ;
- Jan Saben Wilifridi **WEDIRAWOGO**, joa, o lanba li tuonli nni tie **272 944 D**, o tie Bàaló ligidiedi tuona goandikoa, bi dini o li báli ke o tua Bàaló ligidiedi ligi kubima gobidikoa Ubiri désiyon po ;
- Emanuweli **NAKULIMA**, joa, o lanba li tuonli nni tie **49 356 F**, o tie duaninba tuona goandikoa, bi dini o li báli ke o tua a tuonboginkaana pandima Gobidikoa duaninba tuosoandieciangu kani ;
- Patende Wendenda Jan Ivi **BELEMI**, joa, o lanba li tuonli nni tie **58 450 U**, o tie Bàaló ligidiedi tuona goandikoa, bi dini o li báli ke o tua Bàaló ligidiedi tuona Gobidikoa ;

- Wiliami Osiwali **BIKABA**, joa, o lanba li tuonli nni tie **PNVB-00 351**, o tie ligikubilo, bi dini o li báli ke o tua Bi niba kuli todima po tataacagili-Bulicina Faso nni buama tuona tuonsoanjaana taanma cagili ligikubilo ;
- Isiaka **KABORE**, joa, o lanba li tuonli nni tie **278 253 P**, o tie i ligi kubima tuona gobidikoa, bi dinini o li báli ke o tua u nuu tuonsoanbanma tuona badu li nandunli dogi po Wagidigu nni (SIYAWO) ligikubilo ;
- Mamadu **KARA**, joa, o lanba li tuonli nni tie **112 475 G**, o tie i ligi kubima tuona goandikoa, bi dini o li báli ke o tua mi diema sani guudima (ONASERI) tuonsoanjaali ligikubilo ;
- **KONPAWORE** pua Sonabo **WEDIRAWOGO**, o lanba li tuonli nni tie **261 282 C**, o tie i ligi kubima tuona goandikoa, bi dini o li báli ke o tua Faso yanluadi goada tuonjaali ligikubilo ;
Sansan Firansua Dasisi **KANBU**, joa, o lanba li tuonli nni tie **51 972 F**, o tie duaninba tuona goandikoa, bi dini o li báli ke o tua Jôrô désiyon duaninba tuonsoandiegu Liiga-yua ;
- Jijuma **SANU**, joa, o lanba li tuonli nni tie **212 313 B**, o tie u loagu tuona tundikoa, bi dini o li báli ke o tua Nando désiyon u loagu leni i ligi kubima tuona Liiga-yua ;
- Dafidi **SAWADOGO**, joa, o lanba li tuonli nni tie **294 311 T**, o tie Bàaló ligidiedi tuona goandikoa, bi dini o li báli ke o tua Kuriwewogo porovenso ligidiegu ligikubilo ;
- **WEDIRAWOGO** pua Aminata **SORE**, o lanba li tuonli nni tie **334 162 H**, o tie Bàaló ligidiedi tuona goandikoa, bi dini o li báli ke o tua Siro porovenso ligidiegu ligikubilo .

C. YAA KOANBADIEGU N DIE I LÀABÁALI, KU MAASUAGU, I NII TAGIMA LENI YANLUADI GOADA TUONA, GUVERINEMA MASOAGINLO KANI

- **SOROMI** pua Alini Verilèni **KABORE**, o lanba li tuonli nni tie **79 384 L**, o tie i làabáali tenma tuonsoanba tundikoa, bi dini o li báli ke tua i làabáali tenma tuona goandikoa ;
- Baritelemi **KABORE**, joa, o lanba li tuonli nni tie **43 339 D**, o tie cogibicanbaa, bi dini o li báli ke o tua tuonsoandiedi tuona goandikoa ;
- Jan-Luyi Lidoviki **WEDIRAWOGO**, joa, o lanba li tuonli nni tie **76 323 Z**, o tie i làabáali tenma tuonsoanba tundikoa, bi dini o li báli ke o tua ti tuonsoandiedi tuona goandikoa ;
- Esitasi **WEDIRAWOGO**, joa, o lanba li tuonli nni tie **75 715 H**, o tie ku maasuagu tuona tundikoa, bi dini o li báli ke o tua ti tuonsoandiedi tuona goandikoa ;
- Amidu Poli **BAMOGO**, joa, o lanba li tuonli nni tie **212 401 E**, o tie ku maasuagu tuona tundikoa, bi dini o li báli ke o tua li koanbáli todikoa ;
- Birisi Filavien **WEDIRAWOGO**, o lanba li tuonli nni tie **216 785 F**, o tie yanluadi goada tuonsoandiedi gobidikoa, bi dini o li báli ke o tua li koanbáli todikoa ;
- Pengewendé Alegisi **YAMEWOGO**, joa, o lanba li tuonli nni tie **212 408 V**, o tie ku maasuagu tuona tundikoa, bi dini o li báli ke o tua li koanbáli todikoa ;
- Samieli **GARANE**, joa, o lanba li tuonli nni tie **216 781 N**, o tie yanluadi goada tuonsoandiedi tuona gobidikoa, bi dini o li báli ke o tua li koanbáli todikoa ;
- Nufo Enoki **KINDO**, joa, o lanba li tuonli nni tie **102 942 T**, o tie làabáali tenlo, bi dini o li báli ke o tua mi diema nni i làabáali tenma cagili (AYIBE) tuona Liiga-yua .

D. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

- Ali **SAVADOGO**, joa, o **lanba li tuonli nni tie 110 923 A**, o tie Iniverisité cogibicanbaa, bi dini o li báli ke o tua li koanbáli todikoa, ki tua o joa Luka YE lebididu ;
- Wendikuuni Foloransia **JIGIMA**, joa, o **lanba li tuonli nni tie 250 660 N**, o tie Iniverisité cogibicanbaa, bi dini o li báli ke o tua mi diema nni yaa tuonjaali n tuuni o nisaalo laafialo guunli po (ANEBE) tuona Liiga-yua ;
- Ayuba **MAYIGA**, joa, o **lanba li tuonli nni tie 54 998 V**, o tie u cogu saliwuudi diedi gobidima tundikoa, bi dini o li báli ke o tua a tuonboginkaana bilima, a goandima leni a biigima(DESESI) Liiga-yua ;

III.2. BAN DINI YAABA A BÁLA A TUONSOANJÀANA YELI PÒ

- A koanbála táanli den baa ban dini yaaba a bála a tuonjaana tuona boginma pò:
- li tuonsoanjaali FASO GUULIGO mi diema nni a naapuda bangima cogidieli (ENESA) kani bu kpaabu, li yanwubili leni mi ñima nni bonpiakaala koanbadiegu yeli nni;
- yaa tuonsoanjaali n die a logitodiena tiadi daama leni yaa tiadi n biidi ñanbima (SOSEMABE), Pala logitodieciangu, Bogodogo logitodieciangu leni jalijali todima li yianbuuli po tuonsoanjaali (SAMU) kani li laafiali koanbadiegu yeli nni;
- mi diema nni, mi ñima leni i yianbonfuodi bolinma tuona tuonsoancagili (ONEYA) leni mi diema gadeforenba bangima cogidieli (ENEFI) yaa koanbadiegu n diidi mi gaanilindima, mi ñima leni i yianbonfuodi bolinma tuona yeli nni ;

A Koanbála táanli go den suagi ki báa ban dini yaaba a bála ke bi tua a tuona boginma cagili liigiyaaba Bogodogo logitodieciangu (SEHU-B) leni mi diema gadeforenba bangima cogidieli (ENEFI) kani.

**A. BU KPAABU, LI YANWUBILI LENI MI ÑIMA NNI
BONPIAKAALA KOANBADIEGU KANI**

A koanbála táanli táa **masienkàama tila lie (02).**

Mi masienkàama tikpiali dini li báli Ayisa Esiteli **BANBARA**, pua, o lanba li tuonli nni tie **207 975 X**, o tie mi jiema ñoadima sanbila bando, o tua Bàaló yeli po, li tuonsoanjaali FASO GUULIGO tuona boginma cagili Gobidikoa o cici báli pò bina táa (03), ki tua o joa Isaka YAMEWOGO lébidu.

Mi masienkàama tilieli dini li báli o joa Mokitari **NAKANABO**, o lanba li tuonli nni tie **87 306 K**, o tie cogibiga mi diema gadeforenba bangima cogidieli (ENEFI) kani, o tua a cogibila yeli nni mi diema gadeforenba bangima cogidieli (ENEFI) tuona boginma cagili Gobidikoa hali o báli li cogidieli kani juodima.

B. LI LAAFIALI KOANBADIEGU

koanbála táanli táa **masienkàama tila luoba (06).**

Mi masienkàama tikpiali dini li báli o joa Bureyima **WEDIRAWOGO** o lanba li tuonli nni tie **37 37 105 C**, o tie a coala leni li báali tuona bando, o tua Bàaló yeli po yaa tuonsoanjaali n die a logitodiena tiadi daama leni yaa tiadi n biidi ñanbima (SOSEMABE) tuona boginma cagili Gobidikoa, yaa koanbadiegu n diidi ti diema loagu leni i ligi kubima yeli nni, o cici báli pò bina táa (03).

Mi masienkàama tilieli dini li báli o pua Oliga Mélani **LONPO**, o lanba li tuonli nni tie **53 411 L**, o tie Iniverisité cogibicannaa, o tua Bàaló yeli po Pala logitodieciangu (SEHU-P) tuona boginma cagili Gobidikoa, yaa koanbadiegu n die a cogibigbenga cogu leni mi bancanma linginma tuona yeli nni, o cici báli pò bina táa (03).

Mi masienkàama titaali dini li báli yaa niba yaa yela ɲoadi ne ke bi tua Bàaló yeli po, a tuona boginma caga Liiga-yaaba Bogodogo logitodieciangu kani bi cici bala pò bina táa (03).

Li laafiali koanbadiegu kani :

- **DANBELE** pua Esiteli Editi **DABIRE**, o lanba li tuonli nni tie **80 502 N**, o tie logitoligbeeli.

Yaa koanbadiegu n die a cogibigbenga cogu leni mi bancanma linginma tuona:

- O joa Abubakali **KULIBÁLI**, o lanba li tuonli nni tie **54 156 H**, o tie Iniverisitè cogibicanbaa.

Mi niñingbadima leni toriyaba koanbadiegu kani:

- O joa Abidu **GEBIRE**, o lanba li tuonli nni tie **55 814 E**, o tie yaa cogu n ye celi cogidiena tuona goandikoa.

Mi masienkàama tinaali dini li báli **DANBELE** pua Esiteli Editi **DABIRE**, o lanba li tuonli nni tie **80 502 N**, o tie logitoligbeeli, o tua Bogodogo logitodieciangu tuona boginma cagili Liiga-yua o cici báli pò bina táa (03).

Mi masienkàama timuuli dini li báli o joa Norawogo **WEDIRAWOGO**, o lanba li tuonli nni tie **34 706 C**, o tie logitoli, o tua a tuona boginma cagili Gobidikoa Kaya logitodieciangu tuonsoanba yeli po o cici báli pò bina táa (03), ki tua o joa Uséni **WEDIRAWOGO** lebidu ;

Mi masienkàama tiluobili dini li báli o joa Yusufu **BAGAYOGO**, o tie minteeligbeeli, o tua Bàaló yeli po jalijali todima li yianbuuli po tuonsoanjaali (SAMU) tuona boginma cagili Gobidikoa o cici báli pò bina táa (03).

C. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

A Koanbála taanli taa **masienkàama tila taa (03)**.

Mi masienkàama tikpiali dini li báli o joa Inusa **KABORE**, o lanba li tuonli nni tie **246 603 E**, o tie bi nipanba leni u cogu tuona tundikoa, o tua ku cicikoanbadiegu yeli po mi ñima leni i yianbonfuodi bolinma tuona tuonsoancagili tuona boginma cagili Gobidikoa, o cici báli pò bina táa (03), ki tua o joa Abidelasisi **WEDIRAWOGO** lebidu.

Mi masienkàama tilieli dini li báli o joa Mamadu **BATIENE**, o lanba li tuonli nni tie **59 058 F**, o tie mi diema gadeforenba bangima cogidieli tuona goandikoa, o tua Bàaló yeli po mi diema gadeforenba bangima cogidieli tuona boginma cagili Gobidikoa yaa koanbadiegu n diidi mi gaanilindima, mi ñima leni i yianbonfuodi bolinma tuona yeli nni , o cici báli pò bina táa (03).

Mi masienkàama titaali dini li báli o joa Mamadu **BATIENE**, o lanba li tuonli nni tie **59 058 F**, o tie mi diema gadeforenba bangima cogidieli tuona goandikoa, o tua mi diema gadeforenba bangima cogidieli tuona bonginma cagili Liiga-yua, o cici báli pò bina táa (03).



www.sig.gov.bf

Gufenema Masoagindo

Pengidiwende Silibeedi WEDIRAWOGO
O baa Bàaló jaandi leni Tanjoa maalima